

IDAHA CHRIST NTE OKU

Mme Hebrew 3:1-6; 4:14-16; 5:1-10.

QYQHỌ UKPEP-ŃKPỌ 436

Eke Mkparawa

IKỌ IBUOT: “Koro Abasi kiet odu, Ekpe-emem kiet ke ufọt Abasi ye owo onyũ odu, emi ke Idem Esie edide owo, kpa Christ Jesus” (1 Ńwed Timothy 2:5).

Jesus ekenyene itie utom ita ndinam: oro ekedi anditiñ ntiñ-nnim ikọ, oku ye edidem. Anditiñ ntiñ-nnim ikọ edi enye emi adade ke ibuoť Abasi ye owo; enye etiñ ọnọ owo uduak Abasi. Ediwak mme anditiñ ntiñ-nnim ikọ ema edu ke ini Akani Ediomi emi eketiñde enọ mme owo mme ńkpọ emi Abasi okoyomde mmọ ediọñọ. Moses ekedi kiet, edi nnyin isiwak ndikere mbaña ini mme anditiñ ntiñ-nnim ikọ ọtọñode ke Samuel. Elijah, Elisha, Isaiah, Joel, Nahum, Amos, Daniel, ye ediwak mmọ eken ema edu.

Uko Ke Iso Abasi

Oku ada ke ibuoť owo ye Abasi. Mfin Jesus edi Oku nnyin. Enye odu ke Heaven ndikpe ubọk nọ nnyin ke iso Abasi Ete. Koro Enye ama ọduọk Iyip Esie ọnọ nnyin, nnyin idi Esie, ndien Enye oyom nnyin ikut mfọn ito Abasi. Enye edi esine ufọt me ekpe emem. Jesus ọkọdọhọ ete: “Owo baba kiet itieneke Ete, ibọhọke ebe ke Ami” (John 14:6). Anam-idiọk ikemeke ndika ke iso edisana Abasi ibọhọke ebe ke Iyip usio isop Jesus. Edieke nnyin ibeñede Jesus ite efen mme idiọk-ńkpọ nnyin, ndien Iyip oro ama eyet mme idiọk-ńkpọ oro efep onyũ anam nnyin isana, nnyin idifeheke ndik ndikpere Abasi. Nnyin imenyene “uko ndibe nduk ke Edisana Ebiet ke iyip Jesus” (Mme Hebrew 10:19). Abasi ekemek Jesus ndidi Akwa Oku, ndien Jesus ama anam akpanikọ, kpa nte Moses akanamde akpanikọ onyũ onimde mbet Abasi. Moses ama odu uwem ediwak isua mbemiso Jesus edi ke isọñ, edi enye ama ọfiọk ete Jesus kedi, ndien enye okoyom mme owo enim Enye ke akpanikọ. Moses ọkọdọhọ ete: “Jehovah Abasi fo eyenam prophet eke edibietde mi, adaha ada ke otu fo ọnọ fi: enye ke mbufo edikop enọ” (Deuteronomy 18:15). Adañemi Jesus okodude ke isọñ, Enye akanam utom nte anditiñ ntiñ-nnim ikọ; edi ke emi Enye odude ke Heaven Enye edi Akwa Oku nnyin.

Ukpuhọre odu ke Idaha oku eke Christ ye eke mme oku Akani Ediomi emi eketode ubon Aaron. Ke ini ekenode Moses Ibet, Abasi ama otim ọnọ mme item ete ke Aaron ye nditọ iren esie enyene ndidi mme oku, ndien itie utom oro ekedi ata edisana. Ini kiet nditọ Aaron iba edomo “esen ikañ,” ńkpọ emi Abasi amakakpan mmọ ndinam, ndien ema ekpaña do ke esit Itie-ukpono. Abasi okoyom mme owo ekpeme ndinim ufọk Esie emi ekponode Enye ye utom Esie ke edisana.

Abasi ama ọnọ mme item ke se akwa oku enyenede ndisine, onyũ ọdọhọ ete ke mmọ edi ndisana edisine-ńkpọ “ke ubọñ ye ke uyai.” Ephod emi ekedọhọde enye esine akana eyiri ke afara kiet kiet itiat onyx emi ekekapde enyiñ mme esien Israel: enyiñ esien itiokiet ke afara kiet, ye enyiñ esien itiokiet eken ke afara eken. Emi ekedi uwut ńkpọ nte ke oku okobiom ke afara esie mbiomo Nditọ Israel ke iso Abasi. Enye ńko ekenyene ndisine ukwak ikpanesit emi esinde itiat duopeba, kiet ke esien kiet, ke ikpanesit esie, me ke esit esie. Ke ini enye odukde ke iso Jehovah enye obioma Nditọ Israel ke ima ke esit esie, ndikpe ubọk mbaña mmọ ke iso Abasi. Oku ekedi mbiet Jesus emi adade ke iso Abasi mfin anam mkpe ubọk ọnọ nnyin

**“Jesus obioma nnyin k’esit
Enye eyenọ mfọn
Se nim k’akpanikọ
Bọ emem y’idara
Jesus obioma nnyin k’esit**

Jesus edi Akwa Oku nnyin, ndien Enye eyefen kpukpru ńkpọ emi iyararede inọ Enye. “Edieke nnyin iyararede mme idiọk-ńkpọ nnyin, Enye edi anam-akpanikọ onyũ enen, ete ifen mme idiọk-ńkpọ nnyin, inyũ iyet nnyin isana ke kpukpru mme ukwańkpọ” (1 John 19). Mme item Abasi ke abaña nte eyarade mme idiọk-ńkpọ edu ke Isaiah 55:7: “Yak idiọk owo ọkpọñ usuñ esie, yak oburobut owo

ọkpọn ekikere esie: onyūn afiak etiene Jehovah: ndien enye eyetua enye mbom; etiene Abasi nnyin, koro Enye eyewak ndidahado.”

Jesus amama nnyin ama onyūn akpa ọnọ nnyin, ọduok Iyip Esie ndiyet mme idiok-ńkpọ nnyin. Ke ini ikutde ukut, Enye abuana ye nnyin. Ke ini nnyin ifuhode, Enye ọfiok onyūn oyom ndidọn nnyin esit. Enye ama oduń ke ison ebighi ekem, ndifiok mfina nnyin, ndien Enye ọfiok onyūn ańwam. Nnyin imekeme ndibine Enye uko uko ibeńe unwam Esie, ndien Enye eyetua owo kiet kiet emi oyomde ndidi ata eyen Abasi mbom.

Jesus, Oku Ke Nsi Nsi

Akwa oku ke idak Ibet ikemeke ndika iso ke idaha oku mbighi, koro enye eyeson onyūn akpa. Akparawa eyeda itie esie tutu enye, ńko, onyūn akpa. Edi kpukpru mme oku emi eketo ubon Levi, ke ufok Aaron.

Edi ukpuhore ama odu ke udim mme oku ke ini Jesus ama akakabare edi Akwa Oku nnyin. Enye okoto esien Judah “ndien akanam Moses itinke baba ńkpọ kiet eke abanade oku idian esien emi” (Mme Hebrew 7:14). Enye ikedighe oku ke ntak ufok esie; edi Abasi ekemek Enye sańa sańa.

Abasi ama ama Jesus eti eti. Ediwak ini Abasi ọdọhọ ete: “Afo edi edima Enye mi; mmenem esit eti-eti ye Afo” (Mark 1:11; Matthew 17:5). Enye ekedi ńkukure Eyen Abasi, ndien ke ini Jesus akamanade oduk ke ererimbot, Abasi ọkọdọhọ ete: “Afo edi Eyen Mi, Mmobon Fi mfin emi,” ndien kpukpu udim enyon esańa ekpere enyūn edara ete ke Jesus ama edi ke ison ndnyańa midiook owo. Mmọ ema ekwọ ikwọ: “ubon enyene Abasi ke ata enyon. Emem onyūn odu ke ison ke otu owo emi Enye enende iso ye mmọ” (Luke 2:14). Ekem, Abasi ọdọhọ ete: “Afo edi oku ke nsi nsi Nte utọ Melchizedek asanade” (Mme Hebrew 5:6), idighe utọ eke Aaron mme eke mme Levite. (Nnyin iyekop ikan oro iban Melchizedek ke ukpep ńkpọ ini-iso).

Mme Akam Jesus

Jesus akanam utom nte prophet ke ini Enye okodude ke ison, edi ke anyan ini Enye ama ededi Oku nnyin, ńko. Enye esibiat ediwak okoneyo ikpon ke mben obot qbon akam onọ Abasi aban mme owo, “ye okposon eseme ye mmoneyet,” man enyana ukpon mmọ. Mbemiso Enye edimek mme Mbet duepeba, “Enye ọworo ọdok ke akamba obot ndibon akam; onyūn ada ofuri okoneyo ke eribon akam nno Abasi” (Luke 6:12). Ini kiet ke Enye ama okobok tosin owo ition ke uyo ition ye ńkpri iyak iba, mme owo ema eyom ndinim Enye ke edidem. Mmọ ekekere ete ke emi eyenam uwem edi mmem-mmeme edieke mmọ enyenede edidem emi ekemedede ndinam udia otot nte Enye akanamde ke usen oro, ekeme ndidi mmọ idinamke utom aba. Jesus ama ofuhọ ete ke nkukure ekikere mmọ edi ke se ediade akan ikọ emi Enye okworode, do Enye ama okpon mmọ ọdok ke akamba obot ndibon akam ikpon (John 6:15). Ke okoneyo oro mbemiso edikon Enye ke eto Enye ama qbon akam ebighi, emi ewetde ke John 17 enyūn ekotde Akam Nkpeubok Esie. Enye ikobonke akam iban mme owo oro ikpon emi ekedude ye Enye ke okoneyo oro, edi aban kpukpru owo emi edinimde ukworikọ mmọ ke akpanikọ enyūn ebọ erinyańa. Nnyin kiet kiet imetiene ibuana, edieke nnyin inimde ke akpanikọ ite ke Jesus akakpa ke ntak idiok-ńkpọ nnyin, ndien eyenyańa nnyin ke nnyin ikabarede esit.

Edieke akanam etiede fi ke idem nte odu ikpon, ke owo ndomo kiet iyomke fi, ti ete Jesus ke qbon akam aban fi, ńko, ke ini Enye ekebedede Abasi ete: “Ete, mmoyom nte mmọ emi Afo okonode Mi edidu ye Ami ke ebiet eke ndude; man mmọ ekut ubon Mi emi Afo okonode Mi: koro Afo akamama Mi, ndien ediwuk adaha ererimbot” (John 17:24). Jesus oyom ndisana ndito Esie edu ye Enye ke Heaven ke ebiet emi mmọ, ńko, edidarade ke kpukpru ubon emi Enye enyenede ye Ete ye kpukpru ndisana Angel. Owo ndomo kiet emi misanake idibuanake ke idara oro, do ana nnyin ikut ite ebeńe nnyin idem mi enọ Heaven. Ana eyet kpukpru idiok-ńkpọ esio ke uwem nnyin, nte usua, utok, ufup, iyaresit, ye ndomo-idem (Nwed Mbon Galatia 5:20,21), edieke anade nnyin isana ikem nte idukde Heaven.

Ndutuhọ Christ

Ke Enye ama okobon akam oro ama Enye ama aka ke Inwan Gethsemene okobon ata akpan akam Esie. Ibibiak ama ọworo Enye ke idem nte nto iyip ke ndutuhọ Esie. Edi Enye okonyime ndinam

uduak Ete Esie. Enye ọkọdọhọ ete: “Ete, edieke Afo onyimedede, men Mi cup emi fep: edi okudi nte Ami nnyimedede, yak edi nte Afo onyimedede” (Luke 22:42). Kpukpru akam nnyin ekpenyene ndisine mme utọ ikọ oro, “okudi nte Ami nnyimedede, yak edi nte Afo onyimedede.” Ata eyen Abasi oyom enam uduak Abasi ke uwem esie, okposuk emi edinọde ekikere esie unan, mme edinukde enye ndikanam mme nkpo emi enye mikpoyomke ndinam. Eren, anwan, eyen ọwọn eren mme nwan emi oyomde ndinam utom Abasi ke ofuri esit esie eyenyene ndibe ke ediwak idomo man anam enye odot ndidi nkpo utom ke ubok Abasi. Ediwak ini enye eyeyom ndnam nkpo ke usuñ idem esie, ndien eyetuk enye ke esit nte ke enye ekpenyene ndisuk ibuot nno uduak Abasi; edi ke okoneyo oro ke Inwan Gethsemene Jesus ama okop ọkposon ubiak akan nte nnyin ikpokopde, do Enye ọdionọ kpukpru afanikon nnyin ye mmoneyet, ndien eyenwam nnyin edieke iyomde Enye. “Okposuk edi nte Enye edide Eyen, Enye ekpep nsukibuot ofiok oto ke ndutuhọ eke Enye okutde” (Mme Hebrew 5:8). Enye akanam kpukpru emi ke abana nnyin. Enye okpokodu ke Heaven ndien ikpobohọ ufen ndomo kiet. Enye ekpekeke ke ison, ndien ke ini Enye ọkpotonode ndibọ ufen ke ubok owo, Enye ekpekebiere ete ke uduot owo idotke ndibọ utọ mfon emi ndien afiak onyon ke Heaven onyuni etre ndikpe ekom urua ufak nnyin. Edi Enye emek ndibọ ufen man oto do enyana nnyin. “Enye akada unan abana mme idiok ido nnyin, anuaha abana mme ukwan-nkpo nnyin: ufen odoro enye ke idem man nnyin ikut emem. Ndien inia esie okok nnyin” (Isaiah 53:5). “Utibe-nkpo kotu mme utibe-nkpo, nte kpukpru emi ekeme nditibe nno mi?” Se nte Enye akamade nnyin emi ekesinde Enye obọ utọ ufen oro man afo ye ami ikpobọ erinyana! Nnyin kiet kiet imodot ndibọ ufen idiok-nkpo nnyin. Enye ikanamke idiok-nkpo ndien ikenyeneke ntak ndibọ ufen ibohoke emi Enye okonyimedede ndibiom ufen nnyin. Didie ke nnyin ikpama Enye! Edieke nnyin imade Enye iyenim mbet Esie.

Koro Jesus okokopde uyo Abasi ke kpukpru nkpo Enye ama odot ndifak nnyin onyuni akabare edi “ntak nsi-nsi erinyana onọ kpukpru owo emi ekopde uyo Esie” (Mme Hebrew 5:9).

MME MBUME

- 1 Siak mme idaha utom Jesus ita.
- 2 Nso idi utom oku?
- 3 Nso ikotibe ino mme oku emi ekedomode “esen ikan”?
- 4 Siak akpan usuñ emi idaha Oku Jesus enyenede ukpuhore ye mme oku eken.
- 5 Siak ndusuk akam Jesus emi ewetde.
- 6 Mme anie ke Jesus okobon akam abana mbemiso emen Enye ekekoni ke eto? Nso ke Enye ekebeke onọ mmọ?
- 7 Nso idi ntak emi Jesus ekemekde ndikpa ke kros?
- 8 Ke nso idaha ke Jesus ekedi Oku?